



Broj: 02-30-823-4/26  
Lukavac, 06.07.2026.godine

Na osnovu člana 74. stav 2. a u vezi sa članom 76. stav 3. Zakona o državnoj službi u Tuzlanskom kantonu („Službene novine TK-a“, broj: 11/24 – prečišćeni tekst) gradonačelnik, d o n o s i

**O D L U K U**  
**o poništenju dijela javnog oglasa za prijem namještenika i namještenika-pripravnika u**  
**Jedinstveni gradski organ uprave Grada Lukavac**

Član 1.

Poništava se dio javnog oglasa za prijem namještenika i namještenika-pripravnika u Jedinstveni gradski organ uprave Grada Lukavac objavljen 11.06.2026.godine na službenoj internet stranici Grada Lukavac i u dnevnim novinama „Večernji list BH“ d.o.o. Mostar pod brojem: 02-30-823-1/26 od 08.06.2026.godine, koji se odnosi na poziciju:

**02. Namještenik-pripravnik „Referent za otpremu pošte“** u Službi za društvene djelatnosti i upravu, na određeno vrijeme na period pripravničkog staža od 6 (šest) mjeseci - 1 (jedan) izvršilac;

U preostalom dijelu teksta javni oglas ostaje neizmijenjen.

Član 2.

Ova odluka stupa na snagu danom donošenja i objavit će se na službenoj internet stranici Grada Lukavac i u dnevnim novinama u kojima je objavljen javni oglas.

**Obrazloženje**

Nakon objavljivanja javnog oglasa za prijem namještenika i namještenika-pripravnika u Jedinstveni gradski organ uprave Grada Lukavac pod brojem: 02-30-823-1/26 od 08.06.2026.godine, gradonačelnik je izvršio preispitivanje organizacionih i kadrovskih potreba Jedinstvenog gradskog organa uprave, kao i raspoloživih radnih zadataka i prioriteta u okviru Službe za društvene djelatnosti i upravu.

Na osnovu izvršenog preispitivanja utvrđeno je da, u ovom trenutku, ne postoje organizacioni i funkcionalni uslovi niti opravdana potreba za prijemom namještenika-pripravnika na radno mjesto „Referent za otpremu pošte“, te da bi nastavak postupka popune predmetnog radnog mjesta bio nesvrshodan sa aspekta racionalnog upravljanja ljudskim resursima i efikasnog funkcionisanja organa uprave.

Dodatno, imajući u vidu da komisija za provođenje javnog oglasa nije utvrdila listu kandidata koji ispunjavaju uslove javnog oglasa, ispunjeni su uslovi iz člana 74. stav (2), u vezi sa članom 76. stav (3) Zakona o državnoj službi u Tuzlanskom kantonu („Službene novine TK“, broj: 11/24 – prečišćeni tekst), za donošenje odluke o poništenju dijela javnog oglasa.

Slijedom navedenog, odlučeno je kao u dispozitivu ove odluke.

**GRADONAČELNIK**  
Dr. sc. Edin Delić

Strana 1 od 1



ISO 9001:2015  
No. 308550 QM15

Grad Lukavac - Gradonačelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015  
No. 308550 QM15